

## Headlines

1. भारत नै पाकिस्तान आसेआ जम्मू-कश्मीर बारै टिप्पणी करने उप्पर औहदी सख्त नुक्ताचीनी कीती ते गलाया जे उसी अपने नजैज कब्जे आहले भारतीय खेत्तर गी खाली करना लोड़चदा ऐ।
2. आतंकवाद लेई रूपया-पैसा मुहैया कराने दे मामले च एनआईए आसेआ अज्ज बडुलै जम्मू दी कई थाहरें उप्पर छापेमारी कीती गई ऐ।
3. मुख्मन्त्री उमर अब्दुल्ला होरें विधानसभा च 13 मंगां ते 12 पूरक मंगा रक्खिं जिनंदे पर अज्ज ते कल बी सदन च चर्चा कीती जाग।
4. उपराज्यपाल मनोज सिन्हा होरें इलाकाई समझ च विद्यार्थियों दे तजुर्बे सरबन्धी पैहलकदमी ए.बी.वी.पी दी राश्ट्रीय एकतमता जात्तरा तैहत लद्दाख थमां आए दे युवाएं दे इक प्रतिनिधिमंडल कन्नै गल्लबात कीती।
5. नासा दे अंतरिक्ष यात्री 9 म्हीनें परैंत अज्ज बडुलै धरती उप्पर परताई आए न।

<><><><><><>

## India-Pak

भारत नै जम्मू-कश्मीर उप्पर पाकिस्तान दी टिप्पणियों दी सख्त निंदेआ कीती ऐ ते आखेआ ऐ जे झूठ फैलाने दी बजाय इस्लामाबाद गी नाजायजा ते जबरन कब्जे आहले भारतीय खेत्तर गी खाली करी देना लोड़चदा ऐ। विदेश मंत्रालय दे प्रवक्ता रणधीर जायसवाल होरें पाकिस्तान दे बयानें बारै मीडिया दे सवालें उप्पर एह परता दित्ता। उनें आखेआ जे पाकिस्तान आसेआ बन्ने पारा थमां आतंकवाद गी बढ़ावा देना खितते च शांति ते सुरक्षा लेई बड्डी अड़चन बनी दी ऐ।

<><><><><><>

## NIA-Raids

आतंकवादी गतिविधिएं लेई रपेआ-पैसा उपलब्ध करोआने कन्नै जुड़े दे मामलें च जारी जांच दे इक हिस्से दे तौर उप्पर राश्ट्री जांच एजेंसी - एनआईए आसेआ अज्ज जम्मू च बक्ख-बक्ख थाहें पर छापे मारे जा'रदे ना। छापेमारी आहली इस कार्रवाई दा मकसद, खित्ते च बन्ने पारा थमां जारी गतिविधिएं ते घुसपैठ गी रोकने च शामिल नेटवर्क दा समूलचा नास करना ऐ। एनआईए नै एहदे शा पैहले बी आतंकवादी गतिविधिएं लेई रपेआ-पैसा उपलब्ध करोआने कन्नै जुड़े दे मामलें च जम्मू-कश्मीर च छापेमारी कीती ही। मेद ऐ जे इस अभियान कन्नै जम्मू-कश्मीर च आतंकवाद रोधी जतनें गी होर बल मिलोग। ऊ'आं इस बारै होर ब्यौरे गी अजें बलगेया जा'रदा ऐ।

<><><><><><>

## CM-Demands

मुख्यमंत्री ओमर अब्दुल्ला होरें कल विधानसभा च 13 मंगां ते 12 पूरक मंगां रक्खियां जेहिडियां बक्ख-बक्ख महत्वपूर्ण मैहकमें जि'आं खजाना, घरे-मकाने, बिजली, सैलसफा ते आपदा प्रबंधन कन्नै सरबन्धत हि'आं। स्पीकर अब्दुल रहीम राथर होरें चर्चा लेई इ'नें मंगें गी पेश कीता। इ'नें 13एं मंगें कन्नै 31 मार्च 2026 तगर खर्चें लेई फंड थोडन जदके पूरक मंगें दे राहें 31 मार्च 2025 गी खत्म होने आहले माली ब'रे दरान अदायगिएं गी तोढ चाढेआ जाह्ग। इ'नें मंगें उप्पर चर्चा अज्ज ते कल बी जारी रौहग ते मुख्यमंत्री होर 20 मार्च गी दपैही'लै इस चर्चा दा परता देडन जेहदे परैन्त इ'नें मंगें गी पास करोआने लेई ध्वनि मत कन्नै वोटिंग कराई जाह्ग।

<><><><><><>

## CM-JK Bhawan

मुख्यमंत्री ओमर अब्दुल्ला होरें कल विधानसभा गी जानकारी दिती जे दिल्ली दे चाणक्यपुरी च स्थित जेएंडके हाउस दे किश हिस्सें गी लद्दाख गी देई दित्ते जाने दे बाद पैदा होई दी जगह दी कमी गी पूरा करने दे मकसद कन्नै जम्मू-कश्मीर नै नमीं दिल्ली दे द्वारका इलाके च इक प्लॉट लैता ऐ तांजे उत्थे इक नमां जेके भवन बनाया जाई सकै। उ'नें दस्सेआ जे सौक्खी पुज्ज दे लेहाज कन्नै द्वारका इलाके गी चुनेआ गेआ ऐ। तोआई चंडीगढ़ दे सैक्टर-17 च स्थित इक संपत्ति च

किश तरमीम करियै उसी इलाज मुआलजे लेई उत्थे जाने आहले मरीजें दी मदाद गितै समर्पित कीता जाहग। मुखमन्त्री होरें जोर देइयै आखेआ जे जम्मू-कश्मीर दी वास्तुकला सरबन्धी विरासत ते रिवायती व्यंजनं गी इ'नें नमीं इमारतें च शामिल कीता जाहग तांजे मुकामी लोकें लेई कम्म-रोजगार दे मौके पैदा कीते जाई सकन। 2019 दे बाद संपत्तिएं दी बंडु सरबन्धी चैंताएं बारै बोलदे होई मुखमन्त्री होरें दस्सेआ जे जम्मू-कश्मीर ते लद्दाख बश्कार संपत्तिएं दी बंडु, 2019 आहले पुर्नगठन कानून मूजब गै कीती गेदी ऐ।

<><><><><><>

### PM-Surya

प्रधानमंत्री सूर्य घर मुफ्त बिजली येजना गी बढ़ावा देने लेई जम्मू-कश्मीर च बिजली दी बंड सरबन्धी कारपोरेशन यानि जे.पी.सी.डी.एल नै कल रातीं जम्मू दे बाहू प्लाजा च इकक बड्डे जागरूकता शिविर दा आयोजन कीता। इस कार्यक्रम च जम्मू-कश्मीर दे कैबिनेट मंत्री सतीश शर्मा होरें हिस्सा लैता ते इस योजना दे फायदे उप्पर लोऽ पाई जेदे च बिजली दे बिल च कमी ते अक्षय उर्जा गी बढ़ावा देना शामिल ऐं प्रधानमंत्री नरेंद्र मोदी हुंदे आसेआ इस योजना तैहत 1 करोड़ घरें गी हर महीने 300 यनिट तगर मुफ्त बिजली दिती जाग।

<><><><><><>

### LG-Youth Interaction

लेफ्टिनेंट गवर्नर मनोज सिन्हा होरें इलाकाई समझ च विद्यार्थिं दे तजुर्बे सरबन्धी पैहलकदमी - ए.बी.वी.पी. दी राश्ट्री एकात्मता जात्तरा दे तैहत लद्दाख थमां आए दे युवाएं दे इक डेलीगेशन कन्नै गल्लबात कीती। इस दरान इ'नें नौजवानें, भारत दे बक्ख-बक्ख खित्तें दे अपने दौरें थमां हासल तजुर्बे सांझे कीते। एलजी होरें लद्दाख दे नौजवानें गी मुल्खै दी सांस्कृतिक विरासत, लोकतांत्रिक मुल्लें-कदरें ते शासन सरबन्धी ढांचे गी खरी चाल्ली समझने दा मौका उपलब्ध करोआने लेई एबीवीपी दे जतनें दी सराहना कीती ते आखेआ जे एहदे'नै इ'नें नौजवान गी एक भारत श्रेष्ठ भारत च अपनी भूमिका गी समझने च मदाद थ्होग।

<><><><><><>

## Astronaut

अंतरिक्ष जातरी नासा दे सुनीता विलियम्स ते बुच विलमौर होर अज्ज बडुलै मूंह न्हरे स्पेस एक्स ड्रैगन दे अंतरिक्ष यान च धरती पुज्जी गए न। उनेंगी आहने आहले कैप्सूल नै फ्लोरिडा दे कंडे Talahassee पर स्पलैशडाउन कीता। दवें अंतरिक्ष यात्री जून 2024 थमां अंतरराष्ट्री अंतरिक्ष स्टेशन च हे। एह 2 हफ्तें आस्तै गए हे ते अंतरिक्ष यान थमां हिलियम दे रसाव ते रफ्तार च कमी कारण उनेंगी अंतरिक्ष स्टेशन पर 9 महीनें तोड़ी रूकना पेआ। सुनीता विलियम्स नै बुच विलमोर हुंदी जातरा अज्ज खत्म होई गई ऐ।

<><><><><><>

## DIET

जिला शिक्षा ते सिखलाई सरबन्धी संस्थान डाइट रामबन नै हाल च गै जम्मू-कश्मीर च समावेशी शिक्षा गी बढावा देने लेई समावेशी शिक्षा सिखलाई सरबन्धी कार्यक्रम शुरू कीता ऐ। इस प्रोग्राम च रामबन जिले दे 22 हायर सेकेंडरी स्कूलें दे शिक्षकें, मास्टरें ते लेक्चररें हिस्सा लैता जेड़ा शिक्षा च समानता, विकलांगता-जागरूकता, कनूनी ढांचे, मानसिक स्वास्थ्य सरबन्धी मदद ते समावेशी शिक्षा दे माहौल गी बढावा देने दी रणनीतियें उप्पर केंद्रित हा।

<><><><><><>

## PMAY-Survey

उधमपुर जिले च प्रधानमंत्री आवास योजना दे तैहत केई लोकें दा अपना पक्का घर होने दा सुक्खना सच होआ करदा ऐ। स्टाडे जिला संवाददाता अचिन दुबे दी रिपोर्ट मूजब, केई सारे लाभार्थीएं, इस योजना करी उं'दे जीवन उप्पर पवै करदे सकारात्मक असर दी सराहना कीती ऐ। ऐसे गै इक लाभार्थी, उधमपुर दे बसनीक नै साढे संवाददाता कन्नै खास गल्लबात करदे होई अपने तजुर्बे सांझे कीते।

<><><><><><>

## Chenab

लैंगिक समानता गी बढावा देने ते नौजवान कुड़ियें दे सशक्तिकरण लेई डोडा जिले नै द्रोणाचार्य चनाब खेड्डू सरबंधी अकैडमी दी सांझ भ्याली कन्नै बेअी बचाओ बेटी पढाओ अभियान तैहत चनाब घाटी दी कुड़ियें दे पैहले खेड्डू सरबंधी प्रतियोगिता दा सफलतापूर्वक आयोजन कीता। इस मौके उप्पर बोलदे होई डोडा दे डिप्टी कमिशनर हरविंद्र सिंह होरें आखेआ जे एह प्रतियोगिता कुड़ियें च भरोसा, नेतृत्व ते अनुशासन दी भावना गी होर बधाग।

<><><><><><>